



Sumáriu Kazu
Tribunál Judisiál Primeira Instánsia Oekusi
Outubru 2024

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

A. Sumáriu prosesu julgamentu kazu iha Tribunál Judisiál Primeira Instánsia Oekusi

1. Totál kazu ne'ebé JSMP monitoriza: 25

Artigu	Tipu kazu	Númeru
Artigu 145 Kódigu Penál (KP), konjuga ho artigu 2, 3, no 35(b) no 36 (LKVD)	Ofensa ba integridade fízika simples ho natureza violénsia doméstika no tipu ilísitu sira kona-ba violénsia doméstika	16
Artigu 178 KP	Aktu seksuál ho adolexente	2
Artigu 157 KP, artigu 145 KP, konjuga ho artigu 2, 3, no 35(b) no 36 (LKVD)	Krime ameasa ho ofensa ba integridade fízika simples ho natureza violénsia doméstika no tipu ilísitu sira kona-ba violénsia doméstika	1
Artigu 139 KP	Omisídiu agravadu	1
Artigu 221 KP	Keimada proibida	1
Artigu 316 KP	Kontrabandu	1
Artigu 145 KP	Ofensa ba integridade fízika simples	2
Artigu 207 KP	Kondusaun sein karta	1
Totál		25

2. Totál desizaun ne'ebé JSMP monitoriza : 20

Tipu pena	Artigu	Númeru
Suspensaun ba prizaun nia ezekusaun	Artigu 68 KP	3
Prizaun nia suspensaun ho devér	Artigu 69	1
Pena multa	Artigu 67 KP	13
Pena multa no absolve	Artigu 67 KP	1
Absolve	-	2
Totál		20

3. Total kazu sira ne'ebé kontinua prosesu tuir JSMP nia monitorizasaun: 5 Deskrisaun sumáriu julgamentu ba desizaun kazu sira

1. Krime ofensa ba integridade fízika simple ho natureza VD

Nú. Prosesu : 0004/24.OEPMK
Kompozisaun Tribunál : Singulár
Juis : Dr. Benjamin Barros
Prokuradór : Dr. Mateus Nesi
Defeza : Dr. Calisto Tout
Desizaun : Pena multa US\$80.00

Iha 01 Outubru 2024, Tribunál Judisiál Primeira Instánsia Oekusi prezide leitura sentensa ba krime ofensa ba integridade fízika simples ho natureza VD ne'ebé envolve arguidu EDC hasoru nia feen, iha RAEOA.

Akuzasaun Prokuradór

Prokuradór akuza katak iha 01 Janeiru 2024, maizumenus iha oras tuku 21:00 kalan, arguidu tebe dala ida iha ofendida nia kanotak parte loos kauza moras, tuku dala ida iha reen-toos kauza moras, tuku dala ida iha hasan parte karuk kauza bubu no moras. Aktu ne'e akontese bainhira arguidu fila ba uma kalan bo'ot ho kondisaun lanu . Kazu ne'e aneksa hamutuk ho relatóriu médiku hosi Pradet no fotografia kona-ba aktu violénsia ne'e hasai hosi polisía.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a) 35 (b) no 36 LKVD.

Produsaun ba prova sira

Iha julgamentu arguidu deklara katak faktu sira ne'ebé hakerek iha akuzasaun ne'e loos hotu no rekoñese duni arguidu prátika aktu violénsia ne'e hasoru nia feen, depoisde akontesimentu liu-semána ida arguidu husu deskulpa ba ofendida ho nia família no fó ho osan US\$50.00 ba ofendida, arrepende nia hahalok, promete sei larepete nia hahalok iha futuro. Arguidu ho ofendida hola malu iha 2020, iha oan na'in ida, serbisu hanesan motorista (konduatór) ho vensimentu kada fulan US\$100.00.

Alende ne'e, ofendida konfirma katak arguidu tama uma kalan bo'ot ho kondisaun lanu tuku dala ida iha ofendida nia reen-toos, tuku tan dala ida iha hasan parte karuk, hodi rezulta ofendida sofre moras no bubu iha hasan parte karuk, hafoin arguidu tebe dala 1 iha kanotak parte loos kauza ofendida sofre moras. Depoisde akontesimentu, ofendida ho arguidu di'ak malu ona no kontinua moris hamutuk hanesan feen-laen.

Alegasaun finál

Prokuradór konsidera arguidu provadu prátika krime tuir faktu sira iha akuzasaun bazeia ba konfisaun arguidu nian katak tebe ofendida dala ida iha kanotak parte loos kauza moras, tuku dala ida iha reen-toos kauza moras, tuku dala ida iha hasan parte karuk kauza bubu no moras. Nune'e, atu halo prevensaun ba krime refere, husu ba tribunál atu kondena arguida ho pena multa.

Entretantu, parte defeza husu ba tribunál atu aplika pena ne'ebé adekuadu tuir arguidu nia sala ho konsiderasaun sira katak durante iha produsaun ba prova arguidu konfesa faktu sira iha akuzasaun, arrepende ninia hahalok, di'ak malu ona ho ofendida, la akontese ona problema, primeiravés halo krime hasoru ofendida no promete sei la repete ninia hahalok ne'e hasoru ofendida ka ema seluk iha futuru. Alende ne'e, arguidu iha oan hamutuk ida (1) no serbisu hanesan motorista (konduktor) ho vensimentu kada fulan US\$100.00.

Desizaun

Depoisde avalia faktu hotu no tribunál prova katak arguidu ho kondisaun lanu lori liman loos tuku dala ida iha ofendida nia hasan parte karuk hodi rezulta bubu no moras, lori ain loos tebe iha ofendida nia kotuk laran hodi rezulta moras, bubu no metan, lori liman loos tuku dala ida iha ofendida nia reen-toos hodi rezulta moras.

Bazeia ba faktu provadu hirak ne'e hotu no tetu mós sirkuntansia atenuante sira hanesan, arguidu konfesa, arrepende nia hahalok, di'ak malu ona no promete sei la repete ninia hahalok ne'e iha futuru. Nune'e tribunál konklui prosesu ne'e no kondena arguidu ho pena multa US\$80.00 ne'ebé sei selu kada loron US\$1.00 durante loron 80. Alende ne'e, tribunál mós fiksa pena alternativa ba arguidu loron 60 iha prizaun bainhira arguidu la kumpri pena multa refere.

2. Krime kondusaun sem karta

Nú. Prosesu	: 0045/23.OESIC
Kompozisaun Tribunál	: Singulár
Juis	: Dr. Benjamin Barros
Prokuradór	: Dr. Claudino do Rosario
Defeza	: Dr. Afonso Gomes Fatima
Desizaun	: Pena multa US\$60.00

Iha 02 Outubru 2024, Tribunál Judisiál Primeira Instánsia Oekusi prezide leitura sentensa ba krime kondusaun sem karta ne'ebé envolve arguidu ECO hasoru Estado RDTL, iha Aldeia Sanane Suku Costa, Sub-rejiaun Pante-makasar, iha RAEOA.

Akuzasaun Prokuradór

Prokuradór akuza katak iha 23 Jullu 2023, maizumenus iha oras tuku 13:00 meiodia, iha kurva bairo Samoro, arguidu kondus motorizada ida xoke ofendidu, depois akontesimentu rezolve tuir lisan Oekusi, hodi dame malu (dezisténsia keixa). Depoisde akontesimentu polísia trázitu desloka kedas ba lokál fatin akontesimentu hodi pasa revista ba dokumentus legál no deskobre arguidu kondus motorizada ida ho marka supra X-125, xapa-matríkula J-7099 TL, iha dokumentus kompletu maibé arguidu mak laiha karta kondusaun. Ho ida ne'e polísia trázitu halo aprensaun ba motorizada arguidu nian no identifika katak arguidu laiha karta kondusaun.

Prokuradór akuza arguidu kontra artigu 207 KP kona-ba kondusaun sem karta ho moldura penál to'o tinan 3 ka multa.

Produsaun ba prova sira

Iha julgamentu arguidu konfesa ba faktu hotu iha akuzasaun katak arguidu nia hahalok ne'e kontra lei. Arguidu haktuir tan katak foin primeiravés mai hatan iha tribunál, arrepende nia hahalok, depoisde julgamentu ne'e sei trata nia karta kondusaun, arguidu hanesan estudante iha nivél Sekundáriu, arguidu hosi munisípiu Baukau mai hela ho Amu Pároku iha Numbei Oekusi no Amu Pároku mak selu nia estudu tomak no responsavél ba nia nesesidade lor-loron nian. Arguidu promete sei la halo tan krime hanesan ne'e ka krime seluk iha futuru.

Prokuradór husu ba tribunál atu presinde depoimentu testemuña (Polísia Tránsito) tanba prova sira ne'e sufisiente ona no hosi defeza laiha opsau seluk. Bazeia ba pedidu ne'e, tribunál presinde depoimentu testemuña nian.

Alegasaun finál

Prokuradór intende katak iha audénsia arguidu konfesa faktu sira iha akuzasaun, tanba ne'e prokuradór konsidera arguidu provadu prátika krime tuir faktu sira iha akuzasaun, bazeia ba konfisaun arguidu nian, nune'e atu halo prevensaun ba krime refere, prokuradór husu ba tribunál atu kondena arguidu ho pena prizaun fulan 3 suspende ba tinan 1.

Enkuantu defeza konsidera arguidu iha kolaborasaun di'ak ho tribunál, konfesa faktu hotu iha akuzasaun, arrepende nia hahalok no arguidu promete sei trata karta kondusaun depois desizaun finál ba nia kazu ne'e. Alende ne'e, tetu mós arguidu hanesan estudante hela ho amu paróku mak responvel ba nia estudu no nesesidade tomak, foin primeiravés mai hatan iha tribunál no promete katak sei la repete hikas nia hahalok ne'e iha futuru. Tanba ne'e hosi parte defeza husu ba tribunál atu aplika pena multa ba arguidu.

Desizaun,

Depois avalia faktu hotu ne'ebé produs durante julgamentu, tribunál prova katak arguidu kondus motorizada iha dalan públiku laho karta kondusaun no konsidera hahalok arguidu hanesan dolu direitu tanba hatene hela ninia hahalok lei bandu maibé arguidu nafatin kondús motorizada iha dalan públiku.

Bazeia ba faktu provadu hirak ne'e no tetu mós ho sirkunstánsia hotu-hotu ne'ebé haleu ona krime ne'e, tribunál konklui prosesu ne'e no kondena arguidu ho pena multa US\$60.00 ne'ebé arguidu sei selu US\$1.00 kada loron durante loron 60. Tribunál mós fiksa pena alternativa durante loron 40 prizaun, bainhira arguidu la kumpri pena multa ne'e.

3. Krime aktu seksuál ho adolexente

Nú. Prosesu	: 0121/22.OESIC
Kompozisaun Tribunál	: Singulár
Juis	: Dr. Evangelino Belo
Prokuradór	: Dr. Claodino do Rosario
Defeza	: Dr. Calisto Tout
Desizaun	: Pena prizaun tinan 1 fulan 8 suspende ba tinan 2 ho devér adisionál

Iha 07 Outubru 2024, Tribunál Judisiál Primeira Instansia Oekusi, prezide leitura sentesa ba krime aktu seksuál ho adolexente ne'ebé envolve arguida GL, hasoru ofendida (idade tinan 14), iha RAEOA.

Akuzasaun Prokuradór

Prokuradór akuza katak iha loran no fulan ne'ebé la apura maibé iha tinan 2021, arguidu ho ofendida fó número telefone ba malu. Bainhira arguidu fila ba uma arguidu telefone ofendida hodi ko'alia liuhosi telefone durante minutu tolu-nolu (30) nia laran no arguidu mós konvida ofendida atu hasoru malu. Iha loran tuir mai arguidu ho ofendida hasoru malu iha señor ida nia uma, arguidu ho ofendida tama ba kuartu laran, nune'e arguidu ho ofendida rei malu. Iha okazisaun seluk ne'ebé la apura loran akontesimentu maibé iha fulan Setembru 2021, nafatin iha uma ne'ebé hanesan arguidu ho ofendida ida-idak hasai nia roupa no arguidu ho ofendidu halo relasaun seksuál.

Prokuradór akuza arguidu kontra artigu 178 KP kona-ba aktu seksuál ho adolexente ho moldura penál to'o tinan 5 no artigu 41 alinea 1, 2 Kódigu Penál kona-ba krime kontinuadu.

Produsaun ba prova sira

Iha prosesu julgamentu arguidu konfesa integralmente ba faktu hotu iha akuzasaun no deklarasaun katak antes prosesu ne'e tama iha tribunál arguidu ho ofendida nia família rezolve ona problema ne'e tuir kultura Timor nian. Arguidu informa katak arguidu fó osan US\$800.00 ba ofendida ninia família no ofendida ninia família mós fó tais mane ida ba arguidu no arguidu mós promete bainhira ofendida akaba nia estudu sekundária arguidu sei kaben ho ofendida. Nune'e iha tinan 2024, arguidu ho ofendida hola malu no moris hamutuk hanesan feen ho la'en.

Alende ne'e, ofendida kontinua konfirma faktu iha akuzasaun no konfirma mós arguidu nia deklarasaun katak antes ne'e sira rezolve ona tuir kultura Timor nian arguidu fó osan US\$800.00, no iha tinan 2024, arguidu ho ofendida moris hamutuk ona hanesan feen ho la'en.

Alegasaun finál

Prokuradór haktuir katak arguidu provadu pratika duni krime aktu seksuál ho adolexente bazeia ba arguidu nia deklarasaun katak faktu ne'ebé hakerek iha akuzasaun ne'e loos hotu, tribunál konfronta ba ofendida konfirma faktu iha indisiu forte katak arguidu halo krime aktu seksuál ba adolexente, maske arguidu ho ofendida halo relasaun seksuál ho konsentimentu maibé iha ita nia lei penál bandu ofendida seidak to'o maturidade halo relasaun seksuál, laiha razaun atu absolve, maske arguidu hola malu duni ho ofendida hanesan feen ho la'en, tanba ne'e husu ba tribunál singulár atu kondena arguidu ho pena suspensaun tinan 2 no suspende ba períodu ne'ebé hanesan.

Entretantu defeza alega katak arguidu iha kolaborasaun diak ho tribunál hodi konfesa integralmente ba faktu hotu iha akuzasaun. Defeza reforsa liután katak momentu arguidu ho ofendida halo relasaun seksuál laiha ema ida mak obriga tanba hakarak ho hakarak. Tanba ne'e, defeza solisita ba tribunál atu absolve

arguidu maibé karik tribunál iha hanoin seluk defeza husu atu fó pena suspensaun ba arguidu.

Desizaun,

Depoisde avalia faktu sira hotu, tribunál konsidera faktu sira ne'ebé hakerek ona iha akuzasaun ne'e loos hotu bazeia konfisaun arguidu nian ne'ebé konfirma mós hosi ofendida rasik.

Bazeia ba faktu provadu sira ne'e hotu no tetu mós ho sirkunstánsia hotu-hotu ne'ebé haleu krime ne'e, nune'e tribunál konklui prosesu ne'e no kondena arguidu ba krime aktu seksuál ho adolexente ho pena prizaun tinan 1 fulan 8 suspende ba tinan 2. Alende ne'e, tribunál mós aplika devér adisionál atu arguidu halo limpeza iha sede suku fulan 1 dala 1, iha inísiu fulan durante fulan neen (6)nia laran.

4. Krime ofensa ba integridade fízika simples

Nú. Prosesu : 0241/23.OESIC
KompozisaunTribunál : Singulár
Juis : Dr. Evanjelino Belo
Prokuradór : Dr. Mateus Nesi
Defeza : Dr. Afonso Gomes Fatima
Desizaun : Pena multa US\$120.00

Iha 07 Outubru 2024, Tribunál Judisiál Primeira Instánsia Oekusi prezide leitura sentensa ba krime ofensa ba intrgridade fízika simples ne'ebé envolve arguidu Januari de Jesus Coreia ho Rafael da Costa hasoru ofendidu João Toni da Cruz, iha Aldeia Oesono Suku Costa, Sub-rejaun Pante-makasar, iha RAEOA.

Akuzasaun Prokuradór

Prokuradór akuza katak Iha 01 Outubru 2023, maizumenus iha oras tuku 04:00 madrugada, antes ne'e iha perturbasaun violénsia iha festa prenda nian no parte hosi ofendidu tenta atu hakalma situasaun. Tanba ne'e, arguidu Januari la-satisfas hodi tuku ofendidu iha hirus matan parte karuk dala ida kauza ofendidu sofre moras. Tuir mai arguidu Rafael ho nerboju tuku mós ofendidu iha nia matan fukun parte karuk kauza ofendidu nia matan hetan bubu no moras. Kazu ne'e aneksa hamutuk ho relatóriu médiku hosi Ospital Referál Oekusi no fotografia kona-ba aktu violénsia ne'e hasai hosi polísia.

Prokuradór akuza arguidu sira kontra artigu 145 KP kona-ba krime ofensa ba integridada fízika simples ho moldura penál to'o tinan 3 ka multa.

Produsaun ba prova sira

Iha prosesu julgamentu, arguidu na'in rua nega faktu sira hotu ne'ebé hakerek ona iha akuzasaun prokuradór. Arguidu sira haktuir tan katak momentu ne'eba arguidu sira mós prezensa iha festa maibé depoisde han hotu tiha arguidu sira fila ona ba uma, nune'e kuandu akontese arguidu sira lahatene tanba laiha fatin akontesimentu, arguidu sira serbisu sira hanesan Seguransa Guardamór ho vensimentu kada fulan US\$120.00, sei klosan hotu no foin primeiravés mai hatan iha tribunál.

Alende ne'e, ofendidu kontinua konfirma faktu sira hotu iha akuzasaun no deklarata katak depoisde akontesimentu arguidu sira la-ba buka ofendidu hodi dame malu to'o agora. Ofendidu haktuir tan katak depoisde akontesimentu no ofendidu transporta kedas ba iha ospital hodi halo tratamentu hafoin liu lora ida mak foin alta hosi ospital.

Testemuña Antonio Remedios depoimenta katak bainhira akontese testemuña iha hela tenda laran hodi halai sai ba tenda liur haree deit arguidu na'in rua mak sama hela ofendidu iha rai. Hafoin testemuña ba fahe arguidu na'in rua hodi salva ofendidu kous lori sai ba iha estrada no kontinua telefone ambulansia mai tula ofendidu lori ba ospital. Enkuantu tuku ka tebe testemuña laharee ho matan tanba momentu ne'eba arguidu sei iha tenda laran hela.

Alegasaun final

Prokurador konsidera arguidu sira tenta bosok tribunál hodi desvia hosi aktu violensia ne'e maibe prokurador fiar katak aktu violensia ne'e akontese duni no arguidu na'in rua mak pratika aktu krime ne'e hasoru ofendidu mezmuke iha julgamentu arguidu sira nega totalmente ba faktu sira. Tanba ne'e, prokurador husu ba tribunál atu aplika pena prizaun ba arguidu sira hodi prevene aktu krime sira hanesan ne'e lakontinua akontese iha sociedade nia le'et.

Entretantu, defeza afirma katak iha prosesu julgamentu arguidu na'in rua nega total faktu sira hotu tanba arguidu sira iha momentu han hotu tiha iha festa prenda ne'e tuur uitoan fila uluk ona ba uma no bainhira akontese arguidu na'in rua laiha ona fatin akontesimentu. Tanba ne'e, defeza husu ba tribunál atu fo absolvisaun ba arguidu na'in rua maibe karik tribunál iha hanoin seluk, parte defeza husu kastigu ne'ebé justu tuir arguidu sira nia sala.

Desizaun,

Depoisde avalia ba faktu hotu ne'ebé produs durante iha produsaun ba prova no tribunál konsidera hahalok arguidu sira provadu no priense duni elementu krime ofensa ba integridade fizika simples hasoru ofendidu. Tribunál prova liutan katak hahalok arguidu ne'e konsidera hanesan dolu direitu no konsekuensia hosi arguidu nia hahalok ne'e rezulta ofendidu sofre moras.

Bazeia ba faktu provadu hirak ne'e hotu no tetu mos ba aktu krime ne'ebé mak hatodan no hakmaan arguidu nia responsabilidade kriminál. Tuir mai tribunál konklui prosesu ne'e no kondena arguidu sira ho pena multa US\$120.00 ne'ebé sei selu kada lora US\$1.00 durante lora 120 nia laran ba kada arguidu. Alende ne'e, tribunál mos aplika pena alternativa durante lora 80 iha prizaun bainhira arguidu sira lakumpri desizaun refere.

5. Krime ofensa ba integridade fizika simples

Nú. Prosesu	: 0289/23.OESIC
Kompozisaun Tribunál	: Singulár
Juis	: Dr. Benjamin Barros
Prokurador	: Dr. Mateus Nesi
Defeza	: Dr. Afonso Gomes Fatima
Desizaun	: Pena multa US\$60.00

Iha 07 Outubru 2024, Tribunál Judisiál Primeira Instánsia Oekusi prezide leitura sentensa ba krime ofensa ba integridade fízika simples ne'ebé envolve arguida OA hasoru ofendida CT, iha Aldeia Sakato Suku Nipani, Sub-rejiaun Pante-makasar, iha RAEOA.

Akuzasaun Prokuradór

Prokuradór akuza katak iha 18 Novembru 2024, maizumenus iha oras tuku 13:30 meiodia, arguida uza rai-henek tuda ofendida dala ida tama iha tilun kauza moras, tuku dala ida iha matan fukun parte loos kauza metan no moras, tuku dala ida iha hasan parte loos kauza moras, tuku dala ida iha hasan parte karuk kauza moras, rakut ofendida nia fu'uk dala ida kauza moras no kontinua buti dala ida iha kakorok kauza moras. Aktu ne'e akontese bainhira arguida tenta atu na'ok ikan iha tambak ka kolam. Kazu ne'e aneksa hamutuk ho relatóriu médiku hosi Ospital Referral Oekusi no fotografia kona-ba aktu violénsia ne'e hasai hosi polísia.

Prokuradór akuza arguida kontra artigu 145 KP kona-ba ofensa ba integridade fízika simples ho moldura penál too tinan 3 ka multa.

Produsaun ba prova sira

Iha audénsia julgamentu arguida konfesa faktu parsialmente katak arguida latuku maibé lori de'it liman hatudu ba ofendida nia matan. Enkuantu ba faktu sira seluk ne'ebé hakerek ona iha akuzasaun ne'e loos hotu, arrepende nia hahalok, seidak dí'ak malu ho ofendida, foin primeiravés mai hatan iha tribunál, promete sei larepete hikas hahalok ne'e hasoru ofendida ka ema seluk, iha oan na'in lima, serbisu hanesan negosiante ho rendimentu kada fulan US\$100.00.

Entretantu ofendida konfirma faktu sira hotu iha akuzasaun no deklara katak depoisde akontesimentu to'o agora arguida latentia buka ofendida atu dame malu.

Testemuña Angelo Colo nu'udar membru polísia depoimenta katak laharee ho matan bainhira arguida baku ofendida maibé depoisde akontesimentu ne'e hotu mak ema balun uza número foun telefone ba testemuña hodi informa problema ne'e, hafoin testemuña hosi serbisu fatin ba to'o fatin akontesimentu hodi tula ofendida ba Sakato no kontinua informa kedas ba eskuadra PNTL Pante-makasar nian.

Alegasaun finál

Prokuradór konsidera hahalok arguida priense elementu krime ofensa ba integridade fízika simples mezmuke iha produsaun ba prova arguidu konfesa parsialmente. Tanba ne'e, prokuradór husu ba tribunál atu kondena arguidu tuir pena sira ne'ebé hakerek ona iha akuzasaun.

Entretantu, defeza iha nia alegasaun haktuir katak durante iha produsaun ba prova arguidu konfesa faktu parsialmente katak iha momentu ne'e arguidu lori de'it liman hatudu ba ofendida nia matan maibé laos tuku no ba faktu sira seluk arguidu konfesa integralmnete. Defeza haktuir tan katak arguidu arrepende nia hahalok, seidak dí'ak malu ho ofendida, foin primeiravés mai hatan iha

tribunál, promete sei larepete hikas nia hahalok ne'e hasoru ofendida, iha oan na'in lima, serbisu hanesan negosiante ho rendimentu kada fulan US\$100.00. Tanba ne'e, defeza husu ba tribunál atu aplika pena multa US\$40.00 ho taxa diaria kada loron US\$1.00.

Desizaun

Depoizde avalia faktu hotu, tribunál prova katak arguida pratika duni faktu sira ne'ebé hakerek ona iha akuzasaun ne'ebé konfirma mós ho rezultadu hosi relatóriu médiku nian. Tribunál prova liután katak hahalok arguida konsidera hanesan dolu direitu tanba ho hakarak rasik atu halo moras ofendida nia saúde liuhosi arguida nia aktu violénsia ne'e.

Bazeia ba faktu provadu sira ne'e hotu no tetu mós ho sirkunstansia atenuante sira hanesan arguida konfesa parsialmente, arrepende nia hahalok, ho nune'e tribunál konklui prosesu ne'e no kondena arguida ho pena multa US\$60.00 no sei selu kada loron US\$1.00 durante loron 60. Alende ne'e tribunál aplika pena alternativa ba arguida durante loron 30 iha prizaun, bainhira arguida lakumpri pena multa refere.

6. Krime ofensa ba integridade física simple ho natureza VD

Nú. Prosesu : 0012/23.OEPSB
Kompozisaun Tribunál : Singulár
Juis : Dr. Benjamin Barros
Prokuradór : Dr. Claudino do Rosario
Defeza : Dr. Calisto Tout
Desizaun : Pena multa US\$45.00

Iha 10 Outubru 2024, Tribunál Judisiál Primeira Instáncia Oekusi prezide leitura sentensa ba krime ofensa ba integridade física simples ho natureza VD ne'ebé envolve arguidu DM hasoru nia feen, iha RAEOA.

Akuzasaun Prokuradór

Prokuradór akuza katak iha 27 Agostu 2023, maizumenus iha oras tuku 08:00 dadeer, momentu ne'e mosu dezentendimentu entre arguidu ho ofendida tanba arguidu dehan ofendida la kumpri nia obrigasaun atu fanu arguidu iha dadeer hodi arguidu ba ta'a ai-tahan ba fó han karau. Ho nune'e, arguidu senti la satisfas hirus lori ain karuk hodi tebe ofendida dala ida iha ofendida nia parte kakorok no ain kukun kona iha ofendida nia kakorok hodi rezulta kanek, metan no bubu. Kazu ne'e aneksa hamutuk ho relatóriu médiku hosi Sentru Saúde Pasabe no fotografia kona-ba aktu violénsia ne'e hasai hosi polisia-VPU.

Prokuradór akuza arguidu kontra artigu 145 KP kona-ba krime ofensa ba integridade física simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 LKVD.

Produsaun ba prova sira

Iha prosesu julgamentu, arguidu konfesa faktu sira integralmente no deklarata katak faktu sira iha akuzasaun loos hotu iha momentu ne'eba arguidu sei toba hela iha dadeer ofendida la fanu arguidu sedu hodi ba ta'a ai-tahan ba fó han karau, nune'e mak arguidu hirus hader lori ain karuk tebe dala ida iha ofendida

nia kakorok no ain kukun kona iha ofendida nia kakorok mak kanek. Iha loron ne'e kedas arguidu husu deskulpa ba ofendida arrepende ba nia hahalok, foin primeiravés baku ofendida no promete ba tribunál katak sei la repete tan hahalok ne'e hasoru ofendida iha futuru.

Alende ne'e ofendida mós konfirma faktu sira iha akuzasaun loos hotu arguidu lori nia ain tebe dala ida, depois arguidu husu ona deskulpa ba ofendida to'o agora la baku tan ona ofendida.

Alegasaun finál

Prokuradór haktuir katak arguidu konfesa integralmente ba faktu hotu no konsidera arguidu provadu prátika krime tuir faktu sira iha akuzasaun, bazeia ba konfisaun arguidu nian no konfirma mós ho ofendida, nune'e atu halo prevensaun ba krime refere, husu ba tribunál atu kondena arguidu ho pena multa ho montante osan US\$90.00 no taxa diaria US\$1.00.

Enkuantu defeza husu ba tribunál atu aplika pena ne'ebé adekuadu ba arguidu ho konsiderasaun katak aktu ne'e akontese bainhira ofendida la kumpri nia obligasaun atu fanu arguidu. Iha produsaun ba prova arguidu konfesa, husu ona deskulpa ba ofendida, arrepende nia hahalok, di'ak malu ona no ofendida mós perdua ona arguidu, iha oan na'in lima no serbisu hanesan to'os na'in no laiha rendimentu fiksi kada fulan.

Desizaun

Depois avalia faktu hotu, tribunál prova katak arguidu lori ain karuk tebe dala ida iha ofendida nia kakorok hodi rezulta kanek, bubu, metan no fitar iha ofendida nia kakorok.

Bazeia ba faktu provadu hirak ne'e no tetu mós sirkuntánsia agravante no atenuantes sira hanesan arguidu konfesa, arrepende ona nia hahalok, di'ak malu ona ho ofendida no promete sei la repete tan krime hanesan ne'e iha futuru, ho nune'e tribunál konklui prosesu ne'e no kondena arguidu ho pena multa US\$45.00 ne'ebé arguidu sei selu 0,50 sentavus kada loron, durante loron 90. Tribunál mós fiksa pena alternativa loron 60 prizaun, bainhira arguidu la kumpri pena multa refere.

7. Krime kontrabandu

Nú. Prosesu	: 0147/22.OESIC
Kompozisaun Tribunál	: Koletivu
Juis	: Dr. Benjamin Barros, Dr. Evangelino Belo no Dra. Edite Palmira
Prokuradór	: Dr. Claudino do Rosario
Defeza	: Dr. Afonso Gomes Fatima
Desizaun	: Pena multa US\$60.00 no absolve

Iha 13 Outubru 2024, Tribunál Judisiál Primeira Instásia Oekusi prezide leitura akordaun ba krime kontrabandu ne'ebé envolve arguidu Yohanes Neno Abi ho Moizes Anuno hasoru Estadu RDTL, iha Aldeia Noque, Suku Naimeco, Sub-rejiaun Pante-makasar, iha RAEOA.

Akuzasaun Prokuradór

Prokuradór akuza katak iha loron la apuradu maibé iha Jullu 2022, maizumenus iha oras tuku 07:00 dadeer, arguidu Yohanes transporta mina gazolina litru 40 hosi Indonézia tama mai territoriu Timor-Leste liuhosi dalan ilegál hafoin faan tutan ba arguidu Moizes iha territoriu Timor-Leste nian, hafoin hosi Unidade Polisia Fronteira ka UPF kaer arguidu na'in rua no halo aprensaun ba mina sira ne'ebé transporta ilegálmente no objetivu hosi arguidu na'in rua nia hahalok ne'e atu laselu taxa ba estadu RDTL liuhosi diresaun Alfandega.

Prokuradór akuza arguidu sira kontra artigu 316 KP kona-ba krime kontrabandu ho moldura penál tinan 2 to'o tinan 6 ka multa.

Produsaun ba prova sira

Iha julgamentu, arguidu Yohanes konfesa faktu integralmente maibé laos nia mak sai ba sosa iha Indonézia maibé arguidu nia feton ne'ebé hola mane iha Indonézia mak fó ba arguidu atu uja hodi koa ai halo sira nia uma lulik. Depoizde akontesimentu arrepende nia hahalok, promete sei larepete tan hahalok hanesan iha futuru, serbisu hanesan toos na'in laiha rendimentu fiksi kada fulan no arguidu iha oan na'in rua.

Enkuantu arguidu moizes deklara katak bainhira ba iha nia toos ne'ebé besik iha fronteira, hafoin arguidu Yohanes faan tutan mina sira ne'ebé arguidu transporta ba arguidu moizes. Arguidu haktuir tan katak bainhira arguidu tula mina hirak ne'e iha motor atu lori ba uma no derepente polisia mós to'o hodi halo intervensaun no halo aprensaun ba mina hirak ne'e hotu.

Alegasaun finál

Prokurador konsidera arguidu sira nia hahalok ne'e provadu no priense duni elementu krime kontrabandu tuir faktu sira ne'ebé hakerek ona iha akuzasaun. Prokuradór reforsa liután katak arguidu sira futu lia hodi bosok tribunál, nune'e prokuradór husu ba tribunál atu kondena arguidu sira ho pena multa.

Entretantu, defeza haktuir katak arguidu konfesa faktu integralmente maibé laos nia mak sai ba sosa iha Indonézia maibé arguidu nia feton ne'ebé hola mane iha Indonézia mak fó ba arguidu atu uja hodi koa ai halo sira nia uma lulik no iha momentu ne'e mós aserta arguidu laiha osan hodi faan tutan ba arguidu moizes. Tanba ne'e, defeza husu ba tribunál atu kondena arguidu ho kastigu ne'ebé kmaan tuir nia sala. Enkuantu ba arguidu moizes, defeza husu ba tribunál atu absolve hosi aktu krime ne'e tanba arguidu hola iha territoriu Timor-Leste hosi arguidu Yohanes.

Desizaun

Depoizde avalia ba faktu hotu ne'ebé produs durante julgamentu tribunál konsidera arguidu Yohanes provadu komete krime kontrabandu tanba lori mina hosi Indonézia ilegálmente tama mai territoriu Timor-Leste laselu taxa ba estadu liuhosi Diresaun Alfandega. Enkuantu ba arguidu moizes, tribunál lafundamenta faktu ruma hosi nia hahalok ne'e tanba laiha indisius forte arguidu prátika aktu krime refere.

Bazeia ba faktu provadu hirak ne'e hotu no tetu ba aktu krime ne'ebé mak hatodan no hakaman arguidu nia responsabilidade kriminál, tribunál konklui prosesu ne'e no kondena arguidu Yohanes ho pena multa US\$60.00 ne'ebé arguidu sei selu US\$1.00 kada loron durante loron 60. Tribunál mós fiksa pena alternativu durante loron 40 iha prizaun, bainhira arguidu lakumpri pena refere. Entretantu ba arguidu moizes tribunál absolve krime refere tanba laiha faktu ruma ne'ebé hatudu arguidu prátika krime kontra estadu.

8. Krime ofensa ba integridade fízika simples ho natureza VD

Nú. Prosesu : 0013/20.OEOSI
KompozisaunTribunál : Singulár
Juis : Dr. Evangelino Belo
Prokuradór : Dr. Claodino do Rosario
Defeza : Dr. Afonso Gomes Fatima
Desizaun : Absolve

Iha 10 Outubru 2024, Tribunál Judisiál Primeira Instánsia Oekusi prezide leitura sentensa ba krime ofensa ba integridade fízika simples ho VD ne'ebé envolve arguidu SP hasoru nia feen, iha RAEOA.

Akuzasaun Prokuradór

Prokuradór akuza katak iha 28 Agostu 2020, maizumenus iha oras tuku 08:00 dadeer, antes ne'e arguidu husu osan ho montante US\$5.00 ba iha ofendida maibé ofendida rezeita lakohi fó ho razaun atu fó ba sira nia oan hodi selu transporte ba eskola. Tanba ne'e, arguidu hakbesik ba ofendida hodi basa dala ida iha ofendida nia matan parte karuk kauza bubu no sofre moras. Kazu ne'e aneksa hamutuk ho relatóriu médiku hosi Pradet no fotografia kona-ba aktu violénsia ne'e hasai hosi polísia-VPU.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 LKVD.

Produsaun ba prova sira

Iha prosesu julgamentu, arguidu deklarata katak faktu sira iha akuzasaun balun los no balun laloos, iha momentu akontesimentu ne'e arguidu sai hosi uma kabuar ofendida mak dudu uluk arguidu monu tun ba rai hafoin ofendida rasik mak baku nia matan fukun ba iha ai-rin. Arguidu salienta liután katak ofendida mak baku nia matan fukun rasik iha ai-riin hafoin lao sees tiha hosi arguidu tanba ofendida ta'uk arguidu baku ofendida.

Alende ne'e, ofendida konfirma deklarasaun hosi arguidu rasik katak ofendida mak baku nia matan fukun iha ai-riin laos arguidu mak baku. Ofendida reforsa liután katak iha momentu ne'e arguidu foti naan soe mak ofendida la satisfas ho arguidu nia hahalok ne'e hodi ofendida hirus haku'ak no tuku dala ida iha arguidu nia kanuruk.

Alegasaun finál

Prokuradór konsidera arguidu ho ofendida futu lia hamutuk hodi tenta habosok tribunál tanba durante iha produsaun ba prova arguidu konfesa parsialmente

ba faktu sira ne'ebé hakerek iha akuzasaun ne'ebé konfirma mós hosi ofendida rasik. Prokuradór mós konsidera deklarasaun hosi parte rua ne'e kontrariu no la hanesan ho akuzasaun prokuradór nian. Tanba ne'e, prokuradór husu ba tribunál atu fó pena tuir artigu 145 KP nian.

Enkuantu hosi parte defeza husu ba tribunál atu fó absolvisaun ba arguidu ho konsiderasaun katak arguidu laos mak basa ofendida maibé ofendida rasik mak baku nia matan fukun iha ai-riin. Defeza reforsa liután katak arguidu deklara ho onestu tuir buat ne'ebé nia halo dehan nia halo maibé buat ne'ebé lahalo dehan lahalo tanba laiha faktu ruma ne'ebé justifika arguidu iha indisius forte prátika krime hasoru ofendida.

Desizaun

Depoisde avalia faktu hotu ne'ebé produs durante julgamentu tribunál konsidera laiha indisius forte arguidu prátika aktu krime hasoru ofendida, nune'e tribunál konklui prosesu ne'e no absolve arguidu hosi krime ne'e.

9. Krime ofensa ba integridade fízika simples ho natureza VD

Nú. Prosesu : 0024/23.OEPSB
KompozisaunTribunál : Singulár
Juis : Dr. Benjamin Barros
Prokuradór : Dr. Mateus Nesi
Defeza : Dr. Calisto Tout
Desizaun : Pena multa US\$120.00

Iha 11 Outubru 2024, Tribunál Judisiál Primeira Instánsia Oekusi prezide leitura sentensa ba krime ofensa ba integridade fízika simples ho natureza VD ne'ebé envolve arguidu JC hasoru nia inan, iha RAEOA.

Akuzasaun Prokuradór

Prokuradór akuza katak iha 26 Novembru 2023, maizumenus iha oras tuku 18:30 lokraik, arguidu tebe dala ida iha ofendida nia kanotak kauza moras, to'o desmaia no monu tun ba rai, hafoin arguidu kontinua tuku tan dala ida iha hasan loos rezulta kanek ki'ik no raan sai. Arguidu mós tuku tan dala ida iha kabaas parte karuk no liman sikun parte loos rezulta ofendida sofre moras. Kazu ne'e aneksa hamutuk ho relatóriu médiku hosi Sentru Saúde Pasabe no fotografia kona-ba aktu violénsia ne'e hasai hosi polísia-VPU.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 LKVD.

Produsaun ba prova sira

Iha julgamentu, arguidu uza nia direitu nonook. Entretantu ofendida konfesa faktu hotu iha akuzasaun no deklara katak depoisde akontesimentu ne'e, arguidu buka ofendida nu'udar nia inan dame malu hodi hamtauk fali ofendida ho valor osan US\$200.00.

Testemuña FL depoimenta katak iha momentu ne'eba testemuña haree duni arguidu tebe ofendida dala ida no tuku dala ida iha hasan parte loos maibé ba faktu sira seluk testemuña laharee ho matan.

Alegasaun Prokuradór

Prokuradór konsidera arguidu nia hahalok ne'e priense duni elementu krime ofensa ba integridade física simples ho natureza VD ne'ebé konfirma hosi ofendida rasik ho testemuña. Prokuradór akresenta liután katak tuir loloos arguidu tenke uza nia direitu koalia tanba hasoru nia inan, maibé arguidu uza fali nia direitu lakoi koalia hodi desvia hosi faktu sira ne'ebé hakerek ona iha akuzasaun. Tanba ne'e, prokuradór husu ba tribunál atu kondena arguidu tuir pena ne'ebé hakerek ona iha artigu 145 KP.

Entretantu, defeza husu ba tribunál atu kondena arguidu ho pena ne'ebé adekuaudu tuir arguidu nia sala ho konsiderasaun katak arguidu lakohi uza nia direitu koalia tanba faktu sira ne'ebé hakerek ona iha akuzasaun ne'e loos hotu no arguidu mós arrepende nia hahalok di'ak malu ona ho ofendida.

Desizaun

Depoisde avalia faktu hotu ne'ebé produs durante julgamentu tribunal konsidera faktu sira ne'ebé hakerek ona iha akuzasaun ne'e loos hotu no konsidera arguidu nia hahalok ne'e hanesan dolu direitu no arguidu prátika aktu violénsia ne'e hasoru nia inan rasik.

Bazeia ba faktu provadu hirak ne'e hotu no tetu mós ba aktu krime ne'ebé mak hatodan no hakaman arguidu nia responsabilidade kriminál, nune'e tribunál konklui prosesu ne'e no kondena arguidu ho pena multa US\$120.00 ne'ebé kada loron arguidu sei selu US\$1.00 durante loron 120. Tribunál mós fiksa pena alternativa durante loron 80 prizaun, bainhira arguidu lakumpri pena refere.

10. Krime ofensa ba integridade física simples ho natureza VD

Nú. Prosesu	: 0084/23.OEPMK
KompozisaunTribunál	: Singulár
Juis	: Dr. Benjamin Barros
Prokuradór	: Dr. Mateus Nesi
Defeza	: Dr. Calisto Tout
Desizaun	: Pena multa US\$60.00

Iha 14 Outubru 2024, Tribunál Judisiál Primeira Instánsia Oekusi prezide leitura sentensa ba krime ofensa ba integridade física simples ho natureza VD ne'ebé envolve arguidu ATQ hasoru nia feen, iha RAEOA.

Akuzasaun Prokuradór

Prokuradór akuza katak iha 18 Dezembru 2023, maizumenus iha oras tuku 20:00 kalan, arguidu basa dala ida iha ofendida nia hasan parte loos resulta ofendida nia ulun kona iha parede kauza ofendida sofre moras. Aktu ne'e akontese bainhira arguidu ho ofendida deskute malu kona-ba ofendida la haree nia feen boot nia oan sira. Kazu ne'e aneksa hamutuk ho relatóriu médiku hosi Pradet no fotografia kona-ba aktu violénsia ne'e hasai hosi polísia-VPU.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa, konjuga ho artigu 2, 3 (a), 35 (b) no 36 LKVD.

Produsaun ba prova sira

Iha julgamentu, arguidu konfesa integralmente ba faktu hotu iha akuzasaun katak arguidu basa duni dala ida iha hasan hodi arguidu nia liman kukun kona iha lezada nia matan fukun kauza kanek, arrepende nia hahalok, di'ak malu ona ho lezada, antes ne'e mai hatan ona iha tribunál, promete sei lahalo tan aktu krime hasoru nia feen ka nia oan sira, iha oan na'in rua no serbisu hanesan motorista ho vensimentu kada fulan US\$134.00 no arguidu mak iha responsabilidade ba nia família sira.

Alende ne'e, ofendida kontinua konfirma faktu hotu iha akuzasaun hodi deklarata katak depoisde akontesimentu arguidu ho ofendida di'ak malu ona to'o agora laiha tan problema seluk.

Prokuradór husu ba tribunál atu presinde depoimentu hosi testemuña Jacinta Tefa no hosi parte defeza laiha opsaun seluk. Nune'e tribunál bazeia ba pedidu ne'e no presinde testemuña nia depoimentu ho konsiderasaun katak laiha ona duvida ba faktu sira ne'ebé produz durante iha produsaun ba prova.

Alegasaun finál

Prokuradór konsidera arguidu ninia hahalok ne'e priense duni elementu krime ofensa ba integridade fízika simples ho natureza VD. Tanba ne'e, husu ba tribunál atu aplika pena prizaun fulan neen (6) suspende ba tinan ida (1), nu'udar aktu prevensaun ida ba arguidu atu la repete hikas ninia hahalok ne'e hasoru nia feen no ema seluk labele halo tuir iha futuru.

Entretantu, defeza husu ba tribunál atu aplika pena ne'ebé adekua tuir arguidu nia sala ho konsiderasaun sira katak durante iha produsaun ba prova arguidu konfesa integralmente ba faktu hotu iha akuzasaun katak arguidu basa duni dala ida iha hasan hodi arguidu nia liman kukun kona iha lezada nia matan fukun kauza kanek. Defeza reforsa liután katak depoisde akontesimentu arguidu arrepende nia hahalok, di'ak malu ona ho ofendida, antes ne'e mai hatan ona iha tribunál, promete sei lahalo tan aktu krime hasoru nia feen ka nia oan sira, iha oan na'in rua no serbisu hanesan motorista ho vensimentu kada fulan US\$134.00 no arguidu mak iha responsabilidade ba nia família.

Desizaun

Depoisde avalia ba faktu hotu ne'ebé produs durante julgamentu tribunál konsidera hahalok arguidu nian priense duni elementu krime ofensa ba integridade fízika simples ho natureza VD.

Bazeia ba faktu provadu hirak ne'e hotu no tetu mós ba aktu krime ne'ebé mak hatodan no hakamaan arguidu nia responsabilidade kriminál, nune'e tribunál konklui prosesu ne'e no kondena arguidu ho pena multa US\$60.00 ne'ebé kada lora arguidu sei selu US\$1.00 durante lora 60. Tribunál mós aplika pena alternativa durante lora 40 prizaun, bainhira arguidu lakumpri pena multa refere.

11. Krime ofensa ba integridade fízika simples

Nú. Prosesu : 0076/23.OEPMK
KompozisaunTribunál : Singulár
Juis : Dr. Benjamin Barros
Prokuradór : Dr. Claodino do Rosario
Defeza : Dr. Afonso Gomes Fatima
Desizaun : Pena prizaun tinan 1 suspende ba tinan 1

Iha 14 Outubru 2024, Tribunál Judisiál Primeira Instánsia Oekusi, prezide leitura sentensa ba krime ofensa ba integridade fízika simples ne'ebé envolve arguidu Nicolão Sau Colo hasoru nia primu Yohanes Dom Bosco Neno, iha Aldeia Sakato, Suku Nipani, Sub-rejiaun Pante-makasar, iha RAEOA.

Akuzasaun Prokuradór

Prokuradór akuza katak iha 18 Novembru 2023, maizumenus iha oras tuku 16:00 lokraik. Arguidu uza ai-pedasuk ida tenta baku ofendidu maibé lakonsege tanba arguidu nia família sira hadau tiha. Hafoin arguidu nerboju foti fali ofendidu nia ai-suak baku ofendidu dala ida kona iha liman rezulta ofendidu nia liman naksalak, bubu no moras. Aktu ne'e akontese, bainhira arguidu ho ofendidu diskute malu kona-ba rai baliza no ofendidu duun arguidu hanesan buan. Kazu ne'e aneksu hamutuk ho relatóriu médiku hosi Ospital Referál Oekusi no fotografia sira kona-ba aktu violénsia ne'e hasai hosi polísia.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa.

Antes julgamentu, tribunál tenta halo konsiliaun ba arguidu ho ofendida atu dame malu nu'udar família maibé hosi parte ofendidu mak rezeita lakohi atu dame malu iha tribunál nia oin. Nune'e tribunál deside kontinua ba iha julgamentu.

Produsaun ba prova sira

Iha julgamentu, arguidu konfesa faktu hotu iha akuzasaun no hatene hahalok hanesan ne'e ladi'ak no bele prejudika ofendidu nia liman labele kaer serbisu maibé arguidu halo aktu krime ne'e tanba ofendidu duun arguidu buan. Arguidu deklar katak sira na'in rua bolu malu hanesan primu, depoisde akontesementu arguidu tenta atu dame malu maibé ofendidu mak rezeita lakohi atu dame, arguidu serbisu hanesan toos na'in laiha rendimentu fiksi kada fulan, promete ona katak sei larepete hikas hahalok ne'e iha futuru hasoru ofendidu ka ema seluk no arguidu iha oan na'in lima (5).

Alende ne'e, ofendidu kontinua konfirma faktu hotu iha akuzasaun no ofendidu lakohi ona atu dame malu ho arguidu nu'udar nia primu tanba arguidu halo bebeik ona aktu violénsia hasoru ofendidu.

Alegasaun finál

Prokuradór intende katak arguidu nia hahalok ne'e ho livre, deliberada no konsientemente, konkretiza hodi hamoras ofendidu nia saúde atraves hosi meus sira hanesan deskreve ona iha akuzasaun. Tanba ne'e, prokuradór husu

ba tribunál atu kondena arguidu ho pena prizaun fulan tolu suspende ba fulan neen.

Enkuantu defeza solisita ba tribunál atu aplika pena ne'ebé justu ba arguidu ho konsiderasaun katak arguidu konfesa faktu hotu iha akuzasaun, kolabora di'ak ho tribunál, foin primeiravés baku ofendidu, oan na'in lima arguidu mak iha responsabilidade ba nesesidade labarik sira nian, depoisde akontesementu arguidu tenta atu dame malu, maibé ofendidu rezeita lakohi dame malu, serbisu hanesan toos na'in laiha rendimentu fiksi kada fulan, promete katak sei larepete hikas hahalok ne'e iha futuru hasoru ofendidu ka ema seluk.

Desizaun

Depoisde avalia ba faktu hotu ne'ebé produs durante julgamentu tribunál konsidera faktu hotu iha akuzasaun prokuradór nian provadu hotu.

Bazeia ba faktu provadu hirak ne'e hotu no tetu mós ba aktu krime ne'ebé mak hatodan no hakamaan arguidu nia responsabilidade kriminál, nune'e tribunál konklui prosesu ne'e no kondena arguidu ho pena prizaun tinan ida suspende ba tinan ida.

12. Krime aktu seksuál ho adolexente

Nú. Prosesu	: 0010/23.OESIC
KompozisaunTribunál	: Singulár
Juis	: Dr. Benjamin Barros
Prokuradór	: Dr. Mateus Nesi
Defeza	: Dr. Calisto Tout
Desizaun	: Pena prizaun tinan 3 suspende tinan 3

Iha 15 Outubru 2024, Tribunál Judisiál Primeira Instánsia Oekusi prezide leitura sentensa ba krime aktu seksuál ho adolexente ne'ebé envolve arguidu JAC hasoru nia namorada, iha RAEOA.

Akuzasaun Prokuradór

Prokuradór akuza katak iha 31 Dezembru 2022, iha oras la apuradu, arguidu hasoru ofendida bainhira nia tinan foin 15 no momentu ne'e sira na'in rua fó número telefone ba malu. Hafoin fahe malu no arguidu kontinua telefone ba ofendida no konkorda atu hasoru malu iha ofendida sira nia uma.

Iha 14 Janeiru 2023, iha oras la apuradu, arguidu kontinua telefone ba ofendida no konkorda atu hasoru malu tan iha ofendida sira nia uma hodi rei nia dala rua ihaibun no dala ida iha reen-toos. Tuir mai iha parte lokraik oras laapura, arguidu hasoru tan ofendida iha ofendida nia kolega nia uma, iha ne'ebá arguidu haku'ak ofendida nia isin lolon no rei ofendida nia reen-toos.

Antes ne'e iha 16 to'o 17 Janeiru 2023, bainhira arguidu nia feen halo vizita ba nia inan/aman sira nia uma no arguidu telefone ba ofendida konvida atu ba iha arguidu nia uma. Iha momentu ne'e, ofendida mós konkorda ba duni iha arguidu nia uma hodi halo relasaun seksuál iha loron rua tuituir malu hanesan feen ho la'en, iha oras ne'ebe la hanesan. Kazu ne'e aneksa hamutuk ho

relatóriu médiku hosi Pradet no fotografia kona-ba aktu violénsia ne'e hasai hosi polísia.

Prokuradór akuza arguidu kontra artigu 178 KP kona-ba krime aktu seksuál ho adolexente ho referensia iha artigu 41 alinea 1 no 2 hosi KP.

Produsaun ba prova sira

Iha prosesu julgamentu, arguidu konfesa faktu integralmente no deklara katak momentu ne'e arguidu ho ofendida hakarak ho hakarak hodi rei malu, haku'ak ofendida nia isin lolon tanba sira na'in rua mak hakarak malu duni to'o halo relasaun seksuál ho ofendida iha loron rua tutuir malu bainhira arguidu nia feen ba vizita nia inan/aman. Arguidu haktuir tan katak problema refere arguidu ho ofendida nia família tuur hamutuk ona rezolve tuir lisan Timor nian no konsege hetan solusaun dame hodi arguidu fó morten ida ba ofendida nia inan/aman ka baku morte ne'e ba osan karik US\$2.000.00 no agora dadaun arguidu kontinua moris hamutuk fali ho nia feen ho oan sira, arguidu arrepende nia hahalok, di'ak malu ona, foin primeiravés halo krime no mai hatan iha tribunál, serbisu hanesan toos na'in laiha rendimentu fiksi kada fulan, oan na'in rua no promete sei larepete hikias nia hahalok ne'e hasoru ofendida ka ema seluk iha futuru.

Alende ne'e, ofendida mós konfirma faktu hotu iha akuzasaun no deklara katak problema refere arguidu ho ofendida nia família tuur hamutuk rezolve ona tuir lisan Timor nian no konsege hetan solusaun dame hodi arguidu fó morten ida ba ofendida nia inan/aman ka baku morte ne'e ba osan karik US\$2.000.00.

Alegasaun finál

Prokuradór haktuir katak iha julgamentu arguidu konfesa faktu sira hotu iha akuzasaun no iha inisiu arguidu mak tenta telefone ba ofendida hodi hasoru malu, rei malu, haku'ak ofendida nia isin lolon too arguidu atinji ninia objetivu no halo relasaun seksuál ho ofendida iha loron rua tutuir malu bainhira arguidu nia feen sai hosi uma ba vizita nia inan/aman. Prokuradór reforsa liután katak arguidu hatene hela nia iha ona feen maibé sei kontinua bosok feto raan seluk to'o halo relasaun seksuál ho ofendida. Tanba ne'e, husu ba tribunál atu aplika pena ne'ebé hakerek ona iha artigu 178 KP.

Entretantu, defeza hakktuir katak arguidu iha kolabor ho tribunál hodi konfesa faktu sira integralmente no aktu ne'e akontese tanba iha sentimentu domin ba malu to'o arguidu ho ofendida halo relasaun seksuál ho konsentimentu. Defeza salienta liután katak problema refere arguidu ho ofendida nia família tuur rezolve ona tuir lisan Timor nian no konsege hetan solusaun dame hodi arguidu fó morten ida ba ofendida nia inan/aman ka baku morte ne'e ba osan karik US\$2.000.00 no agora dadaun arguidu kontinua moris hamutuk fali ho nia feen ho oan sira, arrepende nia hahalok, foin primeiravés halo krime no mai hatan iha tribunál, serbisu hanesan toos na'in laiha rendimentu fiksi kada fulan, oan na'in rua no promete sei larepete hikias nia hahalok ne'e hasoru ofendida ka ema seluk iha futuru. Tanba ne'e, defeza solisita ba tribunál atu aplika pena ne'ebé adekua ba arguidu tuir sirkunstánsia sira ne'ebé apresenta ona.

Desizaun

Depoisde avalia faktu hotu ne'ebé produs durante julgamentu tribunál prova katak arguidu rei no haku'ak duni ofendida nia isin lolon no ikus liu remata ho relasaun seksuál lora rua tuituir malu, maibé arguidu fó morten ida ba ofendida nia inan/aman no sira dame malu ona.

Bazeia ba faktu provadu hirak ne'e hotu no tetu ba aktu krime ne'ebé mak hatodan no hakamaan arguidu nia responsabilidade kriminál. Tribunál konklui prosesu ne'e no kondena arguidu ho pena prizaun tinan 3 suspende ba tinan 3 ho kondisaun sira mak arguidu tenke hamós Sede Suku Usitaqueno kada fulan dala rua iha inisiu fulan primeiru iha lora primeiru ka lora segundu ka iha lora ikus hosi fulan ne'e nia rohan. Bainhira arguidu la kumpri kondisaun hirak ne'e hotu arguidu sei tama prizaun durante tinan 3 nia laran.

13. Krime ofensa ba integridade fízika simple ho natureza VD

Nú. Prosesu	: 0001/24.OEMPK
Kompozisaun Tribunál	: Singulár
Juis	: Dr. Benjamin Barros
Prokuradór	: Dr. Mateus Nesi
Defeza	: Dr. Calisto Tout
Desizaun	: Pena multa US\$45.00

Iha 15 Outubru 2024, Tribunál Judisiál Primeira Instánsia Oekusi, prezide leitura sentesa ba krime ofensa ba integridade fízika simples ho natureza VD ne'ebé envolve arguidu BB hasoru nia feen, iha RAEOA.

Akuzasaun Prokuradór

Prokuradór akuza katak iha 28 Dezembru 2023, maizumenus iha oras tuku 20:00 kalan, arguidu tuku ofendida dala ida iha keixo parte karuk, tuku dala ida iha kabun parte oin hodi halo ofendida dezmaia monu ba rai hafoin arguidu kontinua sama tan ofendida iha ain belar parte karuk. Konsekuensia hosi arguidu nia hahalok ne'e rezulta ofendida hetan bubu, mean, naksalak iha ain belar no sofre moras. Aktu ne'e akontese bainhira ofendida husu arguidu atu loke hospot telefone maibé arguidu dehan rede internet ladi'ak. Kazu ne'e aneksa hamutuk ho relatóriu médiku hosi Pradet no fotografia kona-ba aktu violénsia ne'e hasai hosi Polísia-VPU.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3 (a), 35 (b) no 36 LKVD.

Produsaun ba prova sira

Iha jugamentu arguidu konfesa integralmente ba faktu sira hotu iha akuzasaun no depoisde akontesimentu arguidu arrepende ona nia hahalok, di'ak malu ona no kontinua moris hamutuk hanesan feen-la'en, foin primeiravés halo krime mai hatan iha tribunál, promete sei lahalo tan krime hasoru nia feen ka ema seluk iha futuru, oan na'in ida no serbisu hanesan toos na'in ho rendimentu ne'ebé la fiksi kada fulan.

Alende ne'e, ofendida mós konfirma faktu hotu iha akuzasaun no deklara katak depoisde akontesimentu arguidu husu ona deskulpa ba ofendida no la-baku

tan ona ofendida, di'ak malu ona no kontinua moris hamutuk hanesan feen-la'en nafatin.

Alegasaun finál

Prokuradór konsidera hahalok arguidu provadu priense duni elementu krime ofensa ba integridade fízika simples, bazeia ba konfisaun arguidu nian katak faktu sira iha akuzasaun ne'e loos hotu. Tanba ne'e, prokuradór husu ba tribunál atu aplika pena multa ba arguidu hodi eduka arguidu labele repete tan hahalok ne'e hasoru ofendida ka ema seluk iha futuru.

Entretantu, defeza afirma katak iha prosesu julgamentu arguidu konfesa ba faktu hotu ne'ebé hakerek ona iha akuzasaun no depoisde akontesimentu arguidu mós husu ona deskulpa ba ofendida. Defeza haktuir tan katak arguidu rekoñese nia hahalok ne'e ladi'ak, arrepende nia hahalok no promete sei la baku tan ofendida iha futuru. Tana ne'e, defeza husu ba tribunál atu aplika pena ne'ebé kmaan ba arguidu tuir ninia sala.

Desizaun

Depoisde avalia faktu hotu tribunál prova katak arguidu tuku duni ofendida dala ida iha keixo parte karuk, tuku dala ida iha kabun parte oin hodi halo ofendida dezmaia monu ba rai hafoin arguidu kontinua sama tan ofendida iha ain belar parte karuk.

Bazeia ba faktu provadu sira ne'e hotu no tetu mós ho sirkunstansia agravantes no atenuante sira hanesan, arguidu halo agresaun ne'e hasoru de'it feto, krime ida ne'e sai hanesan toman ida iha membru família sira tanba arguidu sempre gosta baku feto, arguidu mós konfesa integralmente, arrepende ba nia hahalok, promete sei lahalo tan krime hasoru nia feen iha futuru, nune'e tribunál konklui prosesu ne'e no kondena arguidu ho pena multa U\$45.00 ne'ebé arguidu sei selu kada loron 0,50 sentavus durante loron 90. Tribunál mós fiksa pena alternativa durante loron 60 prizaun, bainhira arguidu lakumpri pena multa refere.

14. Krime ofensa ba integridade fízika simple ho natureza VD

Nú. Prosesu : 0295/23.OESIC
Kompozisaun Tribunál : Singulár
Juis : Dr. Benjamin Barros
Prokuradór : Dr. Mateus Nesi
Defeza : Dr. Calisto Tout
Desizaun : Pena prizaun tinan 2 fulan 6 suspende ba tinan 3.

Iha 15 Outubru 2024, Tribunál Judisiál Primeira Instánsia Oekusi, prezide leitura sentensa ba krime ofensa ba integridade fízika simples ho natureza VD ne'ebé envolve arguidu JAP hasoru nia feen, iha RAEOA.

Akuzasaun Prokuradór

Prokuradór akuza katak iha 27 Novembru 2023, maizumenus iha oras tuku 08:00 dadeer, arguidu uja botir masa ida tuda ofendida dala ida iha kotuk laran, kauza moras. Depois arguidu kontinua uza sintu baku dala barak iha ofendida nia kotuk no ulun kauza bubu, metan no moras. Kazu ne'e aneksa hamutuk ho

relatóriu médiku hosi Pradet no fotografia kona-ba aktu violénsia ne'e hasai hosi Polísia-VPU.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa konjuga ho artigu 2, 3 (a) 35 (b) no 36 LKVD.

Produsaun ba prova sira

Iha julgamentu arguidu haktuir katak faktu sira ne'ebé hakerek iha akuzasaun ne'e balu los no balu laloos katak iha momentu ne'eba arguidu moras hela maibé ofendida laiha interese atu haree arguidu, maibé ofendida okupadu liu ho telefone. Tanba ne'e arguidu sai hosi kuartu laran hodi hirus ofendida katak *"hau moras hela, nusa ó la haree hau maibé ofendida hatan fali arguidu katak mane hanesan ó ne'e merese hau atu soe ó"*. Ho ida ne'e arguidu foti aqua masa ida hodi tuda dala ida ba ofendida kona iha kotuk, ofendida mak ba foti fali balde ida hodi tuda fali arguidu no ofendida kontinua foti tan sintu hodi baku tan arguidu, nune'e mak arguidu hadau fali sintu ne'e hodi baku fali ofendida iha nia ulun ho kotuk laran to'o ofendida halai sai ba estrada. Bainhira ofendida halai sai ba estrada no arguidu la-duni tuir ona ofendida no kontinua ba halo tratamentu no apresenta keixa iha polísia. Liu semana ida ofendida foin ba fali uma. Arguidu husu deskulpa no arrepende nia hahalok, nune'e ofendida perdua no kontinua moris hamutuk hanesan feen-la'en iha uma ida to'o agora.

Entretantu, ofendida mós konfirma katak iha momentu ne'eba ofendida nia Komandante mak telefone hodi ko'alia asuntu serbisu nian, maibé arguidu deskonfia ofendida ho Komandante hodi hirus no hatete ofendida katak *"ó ne'e feto puta, feto (selingkuh dor) ka amante ho mane seluk"*, arguidu foti aqua ho folin 0,50 sentavus ho bee nanotak hodi tuda ba iha ofendida nia kotuk laran dala ida, arguidu kontinua foti sintu baku dala barak iha ofendida nia kotuk laran no baku tan iha ulun dala barak hodi rezulta ulun kanek, raan iha ulun no bubu, metan iha kotuk laran. Depois ofendida halai sai hosi uma ba estrada no arguidu kontinua duni tuir ofendida lori sintu ne'e baku dala barak iha ofendida nia kotuk laran hafoin viziñu mak halai ba hodi haketak sira.

Testemuña JL nu'udar viziñu depoimenta katak iha momentu ne'eba testemuña foin sai hosi serbisu fatin haree arguidu ho ofendida iha momentu ne'e rasta malu hosi uma laran, haku'ak malu atu baku malu tanba ne'e testemuña halai ba hodi hafahe sira no la haree ofendida kanek ka bubu iha momentu ne'eba. Depois liu tiha mak ofendida hatudu nia kanek iha nia ulun ne'e ba testemuña hodi hatete katak kanek ne'e nia la'en mak baku.

Alegasaun finál

Prokuradór konsidera arguidu provadu komete krime hasoru ofendida bazeia ba konfisaun arguidu nian no konfirma mós hosi ofendida, nune'e prokuradór husu ba tribunál atu kondena arguidu ho pena multa US\$100.00 ho taxa diaria US\$1.00 atu nune'e bele eduka arguidu hodi labele repete tan hahalok ne'e iha futuru hasoru nia feen ka ema seluk.

Entretatu, defeza husu ba tribunál atu fó pena ne'ebé adekuadu ba arguidu ho konsiderasaun sira katak arguidu iha kolaborasaun di'ak ho tribunál, depoisde

akontesimentu arguidu senti katak hahalok hanesan ne'e la di'ak, arrepende nia hahalok, di'ak malu ona, foin primeiravés mai hatan iha tribunál no promete sei la kontinua hahalok sira ne'e iha futuru.

Desizaun

Depoisde avalia faktu hotu ne'ebé produs durante julgamentu tribunál konsidera faktu hotu iha akuzasaun prokuradór nian provadu.

Bazeia ba faktu provadu sira ne'e hotu no tetu mós ho sirkunstánsia atenuante hanesan arguidu konfesa, arrepende nia hahalok, di'ak malu ona no promete sei la repete ninia hahalok ne'e iha futuru. Ho nune'e tribunál konklui prosesu ne'e no kondena arguidu ho pena prizaun tinan rua fulan neen suspende tinan tolu.

15. Krime ameasa no ofensa ba integridade fízika simples ho natureza VD

Nú. Prosesu : 0005/24.OESIC
KompozisaunTribunál : Singulár
Juis : Dr. Benjamin Barros
Prokuradór : Dr. Mateus Nesi
Defeza : Dr. Afonso Gomes Fátima
Desizaun : Pena multa US\$45.00 ba arguidu no arguida

Iha 17 Outubru 2024, Tribunál Judisiál Primeira Instánsia Oekusi, prezide leitura sentensa ba krime ofensa ba integridade fízika simples ho natureza VD ne'ebé envolve arguidu YC no Arguida LE hasoru sira nia oan feto, iha RAEOA.

Akuzasaun Prokuradór

Prokuradór akuza katak iha 14 Novembru 2023, maizumenus iha oras tuku 15:00, lokraik, arguida LE rasta ofendida iha públiku kauza ofendida sofre moras, moe no triste.

Tuir mai iha Maiu 2023, iha oras tuku 24:00 kalan, arguidu YC uja tali plastiku ida baku ofendida dala barak iha kotuk laran kauza bubu, risku mean, metan no moras, hafoin kontinua ameasa katak kuandu ofendidu lakohi hola mane, arguidu se baku mate ofendida kauza ofendida ta'uk, triste no trauma. Aktu ne'e akontese kuandu arguidu ameasa ofendida para ona hosi eskola, hodi hola mane atu ajuda nesesidade uma laran.

Depoisde akontesimentu, ofendida ba apresenta keixa iha Esguadra PNTL Pante-makasar no polisia kontinua akompañã ofendida ba halo tratamentu médiku legál, iha Ospital Regional Oekusi liuhosi Pradet no fotografia kona-ba aktu violénsia ne'e hasai hosi polisia.

Prokuradór akuza arguidu kontra artigu 145 KP kona-ba krime ofensa ba integridada fízika simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 LKVD.

Antes ne'e, tribunál bazeia ba artigu 262 KPP kona-ba tentativa ba konsiliaun ba kazu krime sira ho natureza semi-públiku, antes tama ba prosesu produsaun ba prova sira, juis halo tentativa konsiliaun ba arguidu ne'ebé ameasa hasoru

ofendida. Iha prosesu tentativa konsiliaun ne'e, ofendida hakarak dame malu ho arguidu nu'udar nia aman no hosi parte arguidu aseita ho pedidu hosi ofendida ne'e. Tanba ne'e, tribunál konklui prosesu ne'e no omologa pedidu dezisténsia keixa hasoru arguidu no kontinua de'it julgamentu ba krime ofensa ba integridade fízika simples ho natureza VD.

Produsaun ba prova sira

Iha julgamentu arguida LE konfesa faktu integralmente, arrepende nia hahalok no di'ak malu ona ho ofendida. Arguida foin primeiravés halo krime no mai hatan iha tribunál, promete sei larepete hikas nia hahalok hasoru nia oan sira ka ema seluk iha futuru, serbisu hanesan dona decasa laiha rendimentu fiksi kada fulan no arguida mak iha renponsabilidade ba nesesidade uma laran nian.

Arguidu YC konfesa integralmente faktu ne'ebé hakerek ona iha akuzasaun ne'e loos hotu, arrepende nia hahalok no di'ak malu ona ho ofendidu. Arguidu foin primeiravés halo krime no mai hatan iha tribunál, promete sei larepete hikas hahalok hasoru nia oan sira ka ema seluk iha futuru, serbisu hanesan to'os na'in laiha rendimentu fiksi kada fulan no arguidu mak iha renponsabilidade ba sira nia nesesidade.

Alende ne'e, ofendidu deklara katak ba duni ospital hodi hetan tratamentu mediku hafoin refere ofendida ba hela iha uma mahon durante fulan tolu. Ofendida deklara liutan katak bainhira ofendida sai hosi Uma-Mahon kontinua ba hela ho nia maun tanba sei trauma ho hahalok hosi arguidu no arguida no to'o agora ofendida kontinua nia estudu maibe hosi departementu solidariedade sosial fó apoiu osan transporte hodi fasilita ofendida nia estudu.

Alegasaun final

Prokurador konsidera arguidu ho arguida sira nia hahalok ne'e prenze duni elementu krime ofensa ba integridade fízika simples ho natureza VD no tuir loloos arguidu ho arguida mak defende maka'as vontade ofendida nian hodi kontinua nia estudu laos obriga nia atu kaben sedu. Tanba ne'e, husu ba tribunál atu aplika pena multa US\$45.00 atu nune'e bele iha prevensaun jerál ida ba arguidu ho arguida inklui sosiedade enjerál.

Entretantu, defeza mós konkorda ho pena ne'ebé hosi prokurador husu ho konsiderasaun katak durante iha produsaun ba prova arguidu ho arguida rasik konfesa faktu integralmente, arrepende ona ba sira nia hahalok, di'ak malu ona, foin primeiravés halo krime mai hatan iha tribunál no arguidu serbisu hanesan to'os na'in no arguida serbisu hanesan dona decasa.

Desizaun

Depoide avalia faktu hotu ne'ebé produs durante julgamentu, tribunál konsidera arguidu ho arguida sira ninia hahalok ne'e provadu no priense duni elementu krime ofensa ba integridade fízika simples ho natureza VD hasoru ofendida ho aktu sira rasta no uza tali plastik baku ofendida rezulta mean no moras.

Bazeia ba faktu provadu sira ne'e hotu no tetu mós sirkunstánsia ne'ebé mak hatodan no hakmaan arguidu nia renponsabilidade kriminál, tribunál konklui

prosesu ne'e no kondena arguidu ho pena multa US\$90.00 ne'ebé kada loran arguidu sei selu 0,50 centavus durante loran 90 ba kada arguidu no arguida. Tribunál mósfiksa pena alternativa durante loran 60 iha prizaun. Bainhira arguidu no arguida la kumpri pena multa refere.

16. Krime ofensa ba integridade fízika simple ho natureza VD

Nú. Prosesu : 0023/23.OEBCN
Kompozisaun Tribunál : Singulár
Juis : Dr. Benjamin Barros
Prokuradór : Dr. Claudino do Rosario
Defeza : Dr. Afonso Gomes Fatima
Desizaun : Pena multa US\$80.00.

Iha 18 Outubru 2024, Tribunál Judisiál Primeira Instánsia Oekusi, prezide leitura sentesa ba krime ofensa ba integridade fízika simples ho natureza VD ne'ebé envolve arguidu DQF hasoru nia feen, iha RAEOA.

Akuzasaun Prokuradór

Prokura akuza katak iha 16 Outubru 2023, amizumenus iha oras tuku 03:00 madrugada, arguidu ho kondisaun lanu tama ba kuartu laran no fanu ofendida atu dansa, maibé ofendida lakohi tanba isin moras entaun arguidu sai fali ba liur. La kleur, arguidu tama fali ba kuartu laran, lori nia ain parte los hodi sama maka'as iha ofendida nia kelen parte loos rezulta naksalak no moras maka'as halo ofendida tanis, nune'e ofendida nia kuñada halai tama ba kuartu laran hodi kaer ofendida nia liman rua mak foin bele hamrik. Bainhira nia kuñada ajuda ofendida hamrik tiha, arguidu kontinua lori ain parte loos hodi tebe tan dala rua iha ofendida nia kotuk laran rezulta bubu no moras maka'as. Konsekuensia hosi arguidu nia aktu ne'e rezulta ofendida sofre bubu no moras iha kelen parte loos tanba naksalak no moras iha kotuk laran no ofendida ba halo tratamentu iha Sentru Saúde Pasabe, durante loran 7 mak nia kondisaun foin rekopera fali.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a) 35(b) no 36 LKVD.

Produsaun ba prova sira

Iha julgamentu, arguidu deklarara kona-ba faktu sira iha akuzasaun loos hotu katak iha momentu ne'eba arguidu obriga ofendida atu dansa maibé ofendida lakohi atu dansa tanba ne'e arguidu lori ain loos hodi sama dala ida iha ofendida nia kelen parte los no kontinua lori ain los tebe dala rua iha ofendida nia kotuk laran no iha akontesimentu ne'e arguidu ho kondisaun lanu. Depoisde akontesimentu ne'e arguidu ba husu ona deskulpa ba ofendida ho nia família no kontinua moris hamutuk hanesan feen la'en.

Alende ne'e ofendida konfirma faktu hotu iha akuzasaun no dekrara katak akontesimentu ne'e tanba arguidu ho kondisaun lanu no obriga ofendida atu dansa maibé ofendida lakohi dansa tanba loran ne'e halo serbisu uma lisan nian no senti kolen, tanba ne'e mak arguidu ho hirus lori ain sama maka'as iha kelen parte loos hodi rezulta naksalak no kontinua arguidu lori ain loos tebe

dala rua iha ofendida nia kotuk laran hodi rezulta moras no bubu no ofendida lori fó ema kaer uja aimoruk tradisionál maibé durante loron rua la di'ak no kontinua ba halo tratamentu médiku iha Sentru Saúde Pasabe. Depoisde akontesimentu, ofendida halai ba hela ho nia inan-aman liu fulan tolu mak arguidu ba husu deskulpa ba ofendida ho nia família arguidu lori mortel ida fó ba ofendida nia família nune'e ofendida perdua arguidu no kontinua moris hamutuk hanesan feen la'en.

Testemuña LM nu'udar kuradór depoimentu katak nia hanesan ema ne'ebé kurador sempre kaer ema tohar ka naksalak bainhira sira persija. Iha momentu ne'eba testemuña laiha koñesimentu kona-ba kronolójia hosi problema refere maibé ofendida mak ba bolu testemuña hodi kaer nia ain tanba naksalak, nune'e sasin haree katak ofendida nia kelen parte loos bubu no nasalak nune'e sasin lori ai-moruk tradisionál hodi kaer durante loron rua, maibé seidak rekopera ofendida desidi ba halo tratamentu fali iha ospital.

Alegasaun finál

Prokuradór konsidera arguidu nia hahalok priense duni elementu krime ofensa ba integridade física simples. Tanba ne'e, atu halo prevesaun ba krime refere iha futuro, husu ba tribunál atu kondena arguidu ho pena prizaun tinan ida suspende ba tinan ida.

Entretantu, defeza solita ba tribunál atu kondena arguidu ho pena ne'ebé adekua ho konsiderasaun sira hanesan arguidu konfesa, arrepende nia hahalok, foin primeiraves mai hatan iha tribunál, husu ona deskulpa ba ofendida ho nia família no problema ne'e sira rezolve ona tuir kultura Timor nian. Alende ne'e, arguidu mós promete sei la repete tan hahalok ne'e iha futuro no laiha rendimentu fiksi kada fulan.

Desizaun

Depoisde avalia faktu hotu ne'ebé produs durante julgamentu, tribunál konsidera arguidu provadu lori ain loos sama maka'as iha ofendida nia kelen parte loos hodi rezulta bubu no naksalak, lori ain loos tebe dala rua iha ofendida nia kotuk laran rezulta metan no bubu.

Bazeia ba faktu provadu sira ne'e no tetu mós ho sirkunstánsia sira ne'ebé mak hatodan no hakmaan arguidu nia responsabilidade kriminál, tribunál konklui prosesu ne'e no kondena arguidu ho pena multa US\$80.00 ne'ebé kada loron arguidu selu US\$1.00 durante loron 80. Tribunál mós fiksa pena alternativa durante loron 60 prizaun, bainhira arguidu la kumpri pena multa refere.

17. Krime ofensa ba integridade física simples no natureza VD

Nú. Prosesu	: 0013/24.OEPSB
Kompozisaun Tribunál	: Singulár
Juis	: Dr. Benjamin Barros
Prokuradór	: Dr. Mateus Nesi
Defeza	: Dr. Afonso Gomes Fatima
Desizaun	: Pena multa U\$60.00

Iha 29 Outubru 2024, Tribunál Judisiál Primeira Instansia Oekusi, prezide leitura sentesa ba krime ofensa ba integridade fízika simples ho natureza VD ne'ebé envolve arguida RE hasoru nia la'en, iha RAEOA.

Akuzasaun Prokuradór

Prokuradór akuza katak iha 17 Maiu 2024, maizumenus iha oras tuku 19:00 kalan, arguida tuku ofendidu dala ida iha kabaas parte karuk kauza moras, buti iha kakorok, uja fatuk tuku dala ida iha kanuruk kauza kanek raan, bubu, moras, dezmaia, halo ofendidu monu ba iha rai no hetan suku pontu haat. Depoizde akontesimentu, testemuña sira kontaktu ba polísia hodi hapara arguida no akompaña ofendidu ba halo tratamentu médiku iha Sentru Saúde Pasabe no fotografia kona-ba aktu violénsia ne'e hasai hosi polisía-VPU.

Prokuradór akuza arguidu kontra artigu 145 KP kona-ba krime ofensa ba integridada fízika simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 hosi LKVD.

Produsaun ba prova sira

Iha prosesu julgamentu, arguida konfesa integralmente faktu ne'ebé mak hakerek ona iha akuzasaun prokuradór nian, arrepende nia hahalok, ofendidu hanesan nia eis la'en no hola malu iha tinan 2011, iha oan mane ida, divorsiadu ona ho ofendidu, arguida serbisu hanesan soru tais no rendimentu kada fulan lafiksu no foin primeiravés halo krime no mai hatan iha tribunál.

Alende ne'e, ofendidu konfirma katak arguida hanesan nia eis feen hola malu iha 2011, iha oan mane ida, arguidu ba pasabe ho nia feen ki'ik iha uma laran, maka arguida to'o ba uma hodi baku dala ida iha kabaas foti fatuk tuda ba iha nia isin lolon.

Testemuña ADC koñese arguida tanba hela iha bairu ida no momentu akontese ne'e iha testemuña nia uma. Bainhira arguida tama ba uma laran dada sai ofendidu no momentu ne'e testemuña ta'uk halai sai ba liur no la-haree arguida rasta ka baku ofendidu.

Alegasaun finál

Prokuradór konsidera arguida provadu prátika krime tuir faktu sira iha akuzasaun bazeia ba konfisaun arguida nian, Nune'e, atu halo prevensaun ba krime refere, husu ba tribunál atu kondena arguida ho pena prizaun tinan ida suspende nia ezekusaun ba tinan ida.

Entretantu, defeza husu ba tribunál atu kondena arguida ho pena admoestasaun ho konsiderasaun sira katak arguida prátika aktu krime refere tanba ofendidu rasik mak provoka liuhosi meu lori feen ki'ik ba toba iha testemuña nia uma. Mézmuke nune'e, arguida arrepende ninia hahalok, foin primeiravés mai hatan iha tribunál, arguida serbisu hanesan soru tais ho rendimentu kada fulan lafiksu, promete sei la repete hikas hahalok ne'e iha futuru no sira na'in rua mós moris separadu ona.

Desizaun,

Depoisde avalia ba faktu hot-hotu, tribunál prova katak arguida ho ofendidu hanesan nia eis la'en ne'ebé hola malu iha tinan 2011, iha oan mane ida, moris separadu ona, arguida lori fatuk ida tuku iha ofendidu nia kanoruk kauza kanek suku pontu haat no raan sai maka'as.

Bazeia ba faktu provadu sira ne'e no tetu mós ho sirkunstánsia hotu-hotu ne'ebé haleu krime ne'e, nune'e tribunál konklui prosesu ne'e no kondena arguida ho pena multa US\$60.00 ne'ebé kada loron arguida sei selu US\$1.00 durante loron 60. Tribunál mós fiksa pena alternativa durante loron 40 iha prizaun, bainhira arguida la kumpri pena multa refere.

18. Krime ofensa ba integridade fízika simples ho natureza VD

Nú. Prosesu : 0066/23.OEPMK
KompozisaunTribunál : Singulár
Juis : Dr. Evangelino Belo
Prokuradór : Dr. Mateus Nesi
Defeza : Dr. Marcelo da Rosa
Desizaun : Absolve

Iha 30 Outubru 2024, Tribunál Judisiál Primeira Instánsia Oekusi, prezide leitura sentensa ba krime ofensa ba integridade fízika simples ho natureza VD ne'ebé envolve arguidu WL hasoru nia feen, iha RAEOA.

Akuzasaun Prokudadór

Prokudadór akuza katak iha 13 Outubru 2023, maizumenus iha oras tuku 20:00 kalan, arguidu ho kondisaun lanu halo diskusaun ho nia maun. Bainhira haree situasaun ne'e no parte hosi ofendida hakbesik hodi tenta haketak sira, nune'e halo arguidu nerboju kaer ofendida nia fuuk dada kauza ofendida sofre moras.

Prokuradór akuza arguidu kontra artigu 145 KP kona-ba krime ofensa ba integridada fízika simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 LKVD.

Produsaun ba prova sira

Iha prosesu julgamentu, arguidu konfesa parsialmente katak faktu sira iha akuzasaun ne'e balun loos no balun laloos. Arguidu haktuir tan katak bainhira diskute malu ho nia maun, iha ninia uma mak foin la'o tun ba iha arguidu nia uma, no nia husu katak ó fó hira ba hau nia ferik oan, hodi nia maun mak tuku nia dala tolu, tebe nia to'o monu tun ba rai no sama tan, ho ida ne'e mak arguidu nia feen ba hako'ak nia maun hodi rasta sai nia atu nune'e arguidu bele halai ses, ne'e mak arguidu kaer metin no rasta nia feen nia fuuk hodi halai se'es hosi nia maun. Arguidu deklar katak nia la baku ofendida maibé rekoñese rasta duni nia fu'uk tan atu husik nia maun.

Alende ne'e, ofendida konfirma katak faktu sira iha akuzasaun laloos, tanba iha momentu ne'ebá arguidu tu'ur hela mak derepente nia maun tun mai hodi husu ohin ó ba leten ko'alia saida, ho ida ne'e mak sira nain rua baku malu no ofendida mak tenta atu hafahe arguidu ho nia maun.

Alegasaun finál

Prokuradór konsidera katak arguidu provadu komete krime violénsia doméstika, maske arguidu nega faktu hotu iha akuzasaun, Prokuradór la fiar katak arguidu la baku ofendida mezmuké ofendida mós konfirma saida mak arguidu deklara ona. Tanba ne'e, prokuradór husu ba tribunál atu kondena arguidu tuir pena ne'ebé hakerek ona iha artigu 145 KP.

Entretantu defeza husu ba tribunál atu absolve arguidu ho konsiderasaun katak durante iha produsaun ba prova faktu pesoal hanesan ofendida nega faktu sira ne'ebé hakerek ona iha akuzasaun.

Desizaun

Depoizde avalia faktu hotu ne'ebé produs durante iha produsaun ba prova, tribunál konsidera faktu sira ne'ebé konfronta durante iha produsaun ba prova laiha indisius forte atu konklui prosesu ne'e hodi kondena arguidu tanba iha momentu ne'e ofendida mak haku'ak arguidu nia maun hodi sori arguidu hosi ema seluk ne'ebé halo agresan fízika hasoru arguidu, ne'e mak arguidu hodi rasta ofendidu nia fu'uk atu hases-an hosi nia maun. Nune'e tribunál konklui prosesu ne'e no absolve arguidu hosi aktu krime refere.

19. Krime ofensa ba integridade fízika ho natureza VD

Nú. Prosesu : 0021/23.OEPSB
Kompozisaun Tribunál : Singulár
Juis : Dr. Evangelino Belo
Prokuradór : Dr. Mateus Nesi
Defeza : Dr. Afonso Gomes Fatima
Desizaun : Pena multa US\$90.00

Iha 30 Outubru 2024, Tribunál Judisiál Primeira Instánsia Oekusi, prezide leitura sentensa ba krime ofensa ba integridade fízika simples ho natureza VD ne'ebé envolve arguidu VT hasoru nia feen, iha RAEOA.

Akuzasaun Prokuradór

Prokuradór akuza katak iha 31 Outubru 2023, maizumenus iha oras tuku 07:00 dadeer, arguidu uza bebak ida baku ofendida dala barak iha kotuk laran kauza kanek kois, sinal mean, bubu no moras. Arguidu kontinua baku dala rua iha ofendida nia kakorok kauza metan, bubu no moras, baku tan lori bebak dala ida iha kelen kauza kanek kois, sinal mean, bubu no moras no kontinua tuku dala ida iha ibun, kauza nehan ida nakdoko no sofre moras. Aktu ne'e akontese bainhira ofendida deskomfia arguidu simu ona osan hosi ema seluk, ne'ebé arguidu kado ona nia ai. Kazu ne'e aneksa hamutuk ho relatóriu médiku hosi Sentru Saúde Pasabe no fotografia kona-ba aktu violénsia ne'e hasai hosi polísia.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 LKVD.

Produsaun ba prova sira

Iha julgamentu arguidu konfesa faktu hotu iha kauzasaun no depoizde akontesimentu arguidu husu ona deskulpa ba ofendida tanba konsiente katak

hahalok hanesan ne'e hasoru nia feen ladi'ak no arrepende nia hahalok. Arguidu haktuir tan katak foin primeiravés halo krime hasoru nia feen, promete sei larepete hikas nia hahalok ne'e iha futuru, di'ak malu ona ho nia feen, oan na'in neen no arguidu serbisu hanesan to'os na'in laiha rendimentu fiksi kada fulan.

Alende ne'e, ofendida konfirma hotu faktu sira ne'ebé hakerek ona iha akuzasaun no klarifika katak depoisde akontesimentu arguidu husu ona deskulpa ba ofendida no promete ona ba ofendida sei larepete nia hahalok hansen hasoru nia feen.

Alegasaun finál

Prokuradór konsidera arguidu nia hahalok ne'e ho livre, deliberada, konsientemente aproveita situasaun ne'ebé adekuada halo agresaun física hasoru ofendida kauza kanek kois, metan, sinal mean, bubu, nehan nakdoko no moras kontra ofendida nia vontade. Prokuradór reforsa liután katak arguidu nia hahalok ne'e priense duni elementu krime ofensa ba integridade física simples ho natureza VD. Tanba ne'e, husu ba tribunál atu kondena arguidu ho pena multa tuir artigu 145 KP.

Alende ne'e, defeza aseita atu tribunál kondena arguidu ho pena multa maibé tetu mós ho arguidu ninia kolaborasaun di'ak ho tribunál hodi konfesa faktu hotu iha akuzasaun, depoisde akontesimentu arguidu husu ona deskulpa ba ofendida tanba konsiente katak hahalok hanesan ne'e hasoru nia feen ladi'ak no arrepende nia hahalok. Defeza reforsa liután katak foin primeiravés halo krime hasoru nia feen, promete sei larepete hikas nia hahalok ne'e iha futuru, di'ak malu ona ho nia feen, oan na'in neen no arguidu serbisu hanesan toos na'in laiha rendimentu fiksi kada fulan.

Desizaun

Depoisde avalia faktu hotu ne'ebé produs durante julgamentu tribunál konsidera faktu hotu iha akuzasaun prokuradór nian provadu hotu.

Bazeia ba faktu provadu sira ne'e hotu no tetu mós ho sirkunstánsia hotu-hotu ne'ebé haleu krime ne'e, nune'e tribunál konklui prosesu ne'e no kondena arguidu ho pena multa US\$90.00 ne'ebé kada lora arguidu sei selu US\$1.00 durante lora 90. Tribunál mós fiksa pena alternativa lora 60 iha prizaun, bainhira arguidu la kumpri pena multa refere.

20. Krime ofensa ba integridade física simples ho natureza VD

Nú. Prosesu	: 0235/23.OESIC
KompozisaunTribunál	: Singulár
Juis	: Dr. Evangelino Belo
Prokuradór	: Dr. Mateus Nesi
Defeza	: Dr. Calisto Tout
Desizaun	: Pena multa US\$90.00

Iha 30 Outubru 2024, Tribunál Judisiál Primeira Instánsia Oekusi, prezide leitura sentensa ba krime ofensa ba integridade física simples ho natureza VD ne'ebé envolve arguidu Ab hasoru nia feen, iha RAEOA.

Akuzasaun Prokudadór

Prokuradór akuza katak iha 26 Setembru 2023, maizumenus iha oras tuku 06:00 dadeer, arguidu basa ofendida dala ida iha kanuruk kauza moras no iha momentu ne'e ofendida kous hela sira nia oan halo labarik mós monu ba rai. Arguidu kontinua tebe tan ofendida dala ida iha kelen parte karuk no buti iha kakorok dala ida kauza ofendida sofre moras. Aktu ne'e akontese bainhira ofendida ho bebe nurak atu lori ba vizita nia inan/aman, maibé arguidu rezeita. Kazu ne'e aneksa hamutuk ho relatóriu médiku hosi Pradet no fotografia kona-ba aktu violénsia ne'e hasai hosi polísia.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa, konjuga ho artigu 2, 3 (a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no depoisde akontesimentu arguidu husu ona deskulpa ba ofendida di'ak malu ona, arrepende nia hahalok, foin primeiravés halo krime no mai hatan iha tribunál, promete sei larepete hikas nia hahalok ne'e iha futuru, oan na'in rua no serbisu hanesan to'os na'in laiha rendimentu fiksi kada fulan.

Alende ne'e, prokuradór husu ba tribunál atu prezinde deklarasaun hosi ofendida no hosi parte defeza laiha opozisaun, nune'e tribunál bazeia ba pedidu ne'e no prezinde deklarasaun hosi ofendida.

Alegasaun finál

Prokudadór konsidera arguidu nia hahalok ne'e provadu tanba priense ona elementu krime ofensa ba integridade fízika simples hasoru de'it nia feen bazeia ba konfisaun hosi arguidu rasik. Tanba ne'e, prokuradór husu ba tribunál atu kondena arguidu ho pena multa tuir artigu 145 KP.

Enkuantu hosi parte defeza husu ba tribunál atu aplika pena ne'ebé kmaan ba arguidu tuir nia sala ho konsiderasaun katak durante iha produsaun ba prova arguidu iha kolaborasaun diak ho tribunál hodi konfesa faktu integralmente, depoisde akontesimentu arguidu husu ona deskulpa ba ofendida di'ak malu ona, arrepende nia hahalok, foin primeiravés halo krime no mai hatan iha tribunál, promete sei larepete hikas nia hahalok ne'e iha futuru, oan na'in rua no serbisu hanesan to'os na'in laiha rendimentu fiksi kada fulan.

Desizaun

Depoisde avalia faktu sira ne'ebé produs durante julgamentu tribunál konsidera arguidu prátika duni aktu violénsia sira hanesan basa ofendida dala ida iha kanuruk, tebe iha ofendida nia kelen parte karuk dala ida no buti iha kakorok dala ida. Tribunál prova liu tan katak hahalok arguidu konsidera hanesan dolu direitu no konsekuensia hosi aktu violénsia ne'e rezulta ofendida sofre moras.

Bazeia provas hirak ne'e hotu no tetu mós sirkunstánsia hotu ne'ebé haleu krime ne'e, nune'e tribunál konklui prosesu ne'e no kondena arguidu ho pena multa US\$90.00 ne'ebé arguidu sei selu kada loron 0,75 sentavus durante

loron 120. Tribunál mós fiksa pena alternativa durante loron 60 iha prizaun, bainhira arguidu la kumpri pena multa ne'e.

Atu hetan informasaun kompletu favor kontaktu:

Casimiro dos Santos

Diretór Ezekutivu Interinu JSMP

Diresaun e-mail: casimiro@jsmp.tl

Telefone: (+670) 33238883 | 77257466

Website: <https://jsmp.tl>

info@jsmp.tl